



Sud Bosne i Hercegovine
Суд Босне и Херцеговине

Broj; S1 3 Iž 037790 20 Iž
Sarajevo; 20.10.2020.godine

Sud Bosne i Hercegovine, u drugostepenom vijeću sastavljenom od sudija Dinke Bešliagić Čovrk kao predsjednika vijeća, Vesne Trifunović i Mirsade Džindo kao članova vijeća, odlučujući o žalbi Slavke Sentić sa boravkom u Hrvatskoj 2020 Mlini-Soline Pod SV, Nikolom broj 515 (kod Ilije Sentića), koja osporava odluku Centralne izborne komisije BiH broj 05-1-07-1-998/20 od 01.10.2020. godine o odbijanju upisa u izvod iz Centralnog biračkog spiska za glasnje izvan BiH za Lokalne izbore 2020. godine, u nejavnoj sjednici, održanoj dana 20.10.2020. godine, donio je

R J E Š E N J E

Žalba se odbija.

O b r a z l o Ź e n j e

Centralna izborna komisija Bosne i Hercegovine je Odlukom broj i datum navedeni u uvodu odbila upis u izvod iz Centralnog biračkog spiska za glasnja izvan BiH za Lokalne izbore 2020. godine po podnesenim prijavama do 01.09.2020.godine jer nisu ispunjeni uslovi propisani članom 3.15. stav 1, 2 i 3 Izbornog zakona BiH.

Navedenom odlukom odbijena je prijava Slavke Sentić koja je blagovremeno izjavila žalbu u kojoj je navela da se zajedno sa još sedam članova njene rodbine prijavila na adresu u Dubrovniku gdje će boraviti za vrijeme izbora. Navodi da u Izbornom zakonu i u uputama za glasanje nije ograničen broj prijave sa jedne adrese u inostranstvu i stoga zahtijeva da se njena prijava prihvati.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbaci kao nedozvoljena jer je izjavljen aod neovlaštenog lica ili da se odbije kao neosnovana. Osporavana odluka opravdano je donesena kako bi spriječilo negativne posljedice koje bi eventualno nastupile dostavljanem glasačkog materijala za više lica na istu adresu. Odredbe člana 5.21 stav 1 Izbornog zakona BiH propisale su da Centralna izborna komisija utvrđuje način i proceduru glasanja građana BiH poštom pa je preispitujući žaliteljcinu prijavu utvrdila da je prijava žaliteljice sa adrese na kojoj je

prijavljeno više od 6 i da se radi o izbornom inženjeringu koji može uticati na izborni rezultat.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da je žalba dozvoljena, ali nije osnovana.

Žalba je izjavljena sa elektronske adrese navedene u prijavi i cijeneći sadržaj žalbe koja navodi da je upućena od strane Slavke Sentić uz navođenje njenog matičnog broja. Ove okolnosti nisu dovele u sumnju da je žalba izjavljena od ovlaštenog lica. Stoga se nisu ostvarili uslovi za odbacivanje žalbe kao nedozvoljene.

Prilikom utvrđivanja činjeničnog stanja Centralna izborna komisija BiH je, prema stanju u spisu, pravilno utvrdila da je označena adresa za prijem glasačkog materijala na prijavi, ista kako za žaliteljicu tako i za druga lica sa istom biračkom opcijom za sve prijave. Iz izvoda iz službene evidencije pregledanih prijava proizilazi da se na istu adresu za dostavu glasačkog materijal u Hrvatskoj 20207 Mlini-Soline Pod Sv. Nikolom broj 5, prijavila žaliteljica i još 6 lica. Kada se ima u vidu da prijavljena lica imaju različita prezimena, da je za svih njih označen kao primalac Ilija Sentić čija elektronska adresa je navedne u prijavi, sve ukazuje na moguću izbornu inženjering, posebno kada se ima u vidu da žaliteljica nije dostavio dokaze da boravi na navedenoj adresi.

Relevantni zakoni i podzakonski akti ne propisuju broj lica koja mogu biti prijavljena na istoj adresi za dostavu glasačkog materijala. Ova okolnost cijeni se u svakom pojedinom slučaju u svrhu ispunjavanja garantovanih principa izbornog procesa.

Predmetnom odlukom žaliteljici nije uskraćeno biračko pravo jer se, shodno odredbi člana 3.16 stav 2 citiranog zakona, nalazi u izvodu iz Centralnog biračkog spiska za glasanje u osnovnoj izornoj jedinici u kojoj ima prebivalište u Bosni i Hercegovini.

S obzirom na navedeno i po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita, a žalba neosnovana pa je istu, primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

**PREDSJEDNIK VIJEĆA
S U D I J A**

Dinka Bešlagić Čovrk